

Tutu é kuvi ũun e táxnũu San Pedru

Taxnũu Pedru tú'un iña ña ntákuinti'xe i da mí'i ka ntántoo ña

¹ Xu'u é Pedrú u ne, pustru iña Jesúcristú u. Taxnũu u tú'un sa'á iña ña é ña te ntóo ñuú mii i, divi ña e ntántoo ñuú Pontú, ni ñuú Galaciá, ni ñuú Capadociá, ni ñuú Asiá, ni ñuú Bitinia, ² ña e nákañúu Xuva kō nte dí'na vatā o ntío ña. E tsóo xio Espíritū Sántū san nto vata koo é kāda ntaa nto é kaka'an Jesúcristú ne, vata koo é ntũntoo nima ntó niñi ña. Nā tē nté kaa na naxnuu viko Xuva ko ntō, na tā'xi ña é kuntōo vá'a nto utén uten.

É ntantétu ō é vā'a

³ Ká'an ō tsi dóo ka'nu Xuva ko, divi Uvā Tó'o ko Jesúcristu, tsi dóo ntũntā'ví ini ña kō né, tā'xi ña é kaku xtuku o ntā'a Jesucristu da ntóto xtuku ña é xi'i ña. Dukuān né, kuntōo díni ō é ntantétu o nũu i é vā'a é nī'i ko te kúvi. ⁴ Tsí ni'i ko uun doméni é ta'xi Xuva ko iña i'xá ña. Nā kantĩ'i doméní san. Vā'ā kue'én ne, ñā kunāá ntii dañu ntũvi. É tũví vā'á iña nto e dukún kan tē xee nto. ⁵ Tsí da xe ntákuinti'xe nto Xuva kō ne, niñi kue'én ini ña nada'an ña nto vata koo é xēe nto mí'i iō tu've é kuntoo nto ni ña. Ta'xi ña é kũtuni nto sá'a ntũvi tē ntĩ'i ñuxiví sa.

⁶ Dukuān né, kuvi kuntōo díni nto, kuān te ntánto'o nto vevii uun da'na dá iō nuu i e dóo ntii tũ'un. ⁷ Kāá kuaán san ne, kuān té ña kañtíi ntii dañu ntũvi, ntá tsi ntaé'mi ña vata koo é ntĩ'i un ntĩi ntĩi nuu i é ña vá'a e ntádāka. Kuān ó kakuvi ni ntō da ntánto'o nto ñi. Dukuān ó kantĩ'i nuu i é kīni ntāa é ñũ'u nima ntó ne, kutuni te vá'a o ntákuinti'xe

nto. Tsi dii díí ka nuu á'vi i é kuínti'xe vá'a nto Xuva kō é vāta kaa kaá kuaán san. Kidáā né, tē kuínti'xe vá'a nto, kuān te ntánto'o nto ne, ká'an Xuva kō tsi dóo va'á nto ne, ni'i nto dokoñu'u ntuvi tē naínu xtúku Jesucristu.

⁸Dōó ntio nto Jesucristú, kuān té vata kiní nto ña. Kuān té ña kaíni ntó ña vevii ne, ntákuinti'xe nto ña. Dukuān ne, ñá tē nté kaa diní nto. Ntē ña xee tá'an tú'ūn é kā'an nto nté kaa e dínī nto, tsí vata tsi tē ntoo nto e dukún kán vevii. ⁹Tsí da xe e kuínti'xe nto ne, é nakáku nima nto.

¹⁰Ntuvia di'na ne, ña é ka'án naa Xuva kó ne, ntáka'an ñá nuu i é vā'á san é nī'i nto vevii. Dōo nántuku ña, dōo tsíxe'e ña kuēnta iña i sá'ā. ¹¹Xé'e Ēspíritū Cristu é kūtuni ñá nte dí'na nee iña é vē'xi é ntō'o Cristú, ni nūu i é vā'a é nī'i ñá rkontuvi. Dōo dé kuení ñā xoo ná'a ntu é vii ña sá'ā ne, amá ntu kuvi di. ¹²Ntá tsi xe'é Xuva kō é kūtuni ña tsi tú'ūn e ntáka'an ñá ne, ñá tē é vā'á mii ñā, tsi é vā'á mii ntō. Tsí divi tū'un e ntáka'an ñá ni ntō vevii, ña e ntáka'an ntódo tú'ūn é nakáku ō. Kaxé'e Ēspíritū Sántū, ña e táxnuu Xuva kō nte e dukún kán, é kuān o ntáka'an ñá ne, ñá tē nté kaa ntio ánje sán kutuni ñá nuu i sá'ā.

Kana Xuva ko kō é vā'á kue'en na kuvi o

¹³Dukuān ne, koo tú've nto. Kuntitō xnto. Ntánī nima ntó kuntētu nto nuu i é vā'á san é nī'i nto te naínu xtúku Jesucristu. ¹⁴Vatā ó de i'xa é kāde ntaa ne, ñá vii ka nto é ntio nima káni kaa nto, vata ō dé nto kidaā dá vata kutú've nto iña Xuva ko. ¹⁵Ntá tsi é un nti'í é vii ntó ne, vii nto é vā'á kue'en, vatā ó de Xuva kō, ña e kána nto. ¹⁶Tsí kaka'an tú'un Xuva kō: “É vā'á kue'en kuvi nto, vata tsi ō va'á mii u”, ka'an ña.

¹⁷ Xuva kō ne, kaito nteé ña kō é un é un o te vā'á o, tē ña vā'a o kade ō; ñá kāde ña kuenta xoo ñá'a ō. Tē ntáka'an nto Úva nto ñā ne, kuntoo koñu'u nto dá kan̄i ntūvi e tá'xi ña é kuntōo nto ñuxiví sa. ¹⁸ Ini nto tsí da nakáku ña kō é dōto tsi ntáde o nuu i é ña kaidiá'vi vatā xkoó ini uváta kō, ña intóo kídaā ne, ñá tē diu'un ni ntá'vi ña kuenta iña kó, ntē ña té diu'un kui'xín, ntē ña te káa kuaan, nté da nēé ka nuu i é kanatívi. ¹⁹ Tsí ñiñí Cristu e dóo nuu á'vi i e ntá'vi ña iña ko. Cristú ne, vata kaa a le'ntu é ña tuví nee kuetsí i, é ña ni kuléntū, kaa ña. ²⁰ Nté dī'na dá iñi ntu'u ñuxiví san ne, dē kû've Xuva kō é kuān koo kuyi ña. Ntá tsi dā nté ntuvi sá'a dá dokó sa ntí'i ñuxiví sa ne, taxnuu Xuva ko ñā é vā'á tsi mii ntō. ²¹ Tsí kuenta iña ñá ne, ntákuinti'xe nto Xuva kō. Tsí Xuva kō ne, nantóto ña ña dá xi'i ñá ne, xé'e ñā e dóo ka'nu ña'a kúvi ña, vata koo é kuinti'xe nto Xuva kō, vata koo é kūtuni nto tsí nta'a ña vé'xi é un ntí'í é vā'á iña nto.

²² É ntūntoo nima ntó e kuinti'xe nto é nuu é ntaā i. Vevíi ne, ñī kue'én ini nto na kuñima ntó ta'an nto, ña ntákuinti'xe i san. Dukuān né, koo ntii ntō é kuñima ntí'xe nto ta'an nto kan̄i nima nto. ²³ Tsi e ní'i nto ntuví xéé iña nto é vata kaa te ūvi íto káku nto. Ntá tsi ña te kuenta iña uva nto ña é xi'i e káku nto ve, tsí divi tū'ún Xuva kō é kántito ntii dañu ntūvi. ²⁴ Tsí uve na'a kaka'an tú'un Xuva kō:

Un ntíí ntíí ña'a sán ne, vata ntáa xuku ntáa ña.

E dóo nuu á'vi i iña ña vevíi ne, vata ntáa laa xuku ntáa.

Kaxi'i díí xuku i sán ne, kanakó'xo laa i,

²⁵ ntá tsi tú'un Xuva kō ne, kutūví ntii dañu ntūvi, ka'an. Tū'ún tsikán ne, divi tū'un é vā'a e ntáka'an ntódo ña ni ntō.

2

¹ Dukuān ne, ñá víi ka nto nté uun ká nuū i é kīni kaa. Ñá kañi nta'ví ka nto ta'an nto. Ñá te ūvi nuu i víi nto. Ñá ku kune'ū iní ka nto. Ñá kā'án ka nto é kīni kaa iña ta'an nto. ² I'xa é dā ve káku ne, dōó kanantukū é tsītsi. Kuan koo nantūku nto tú'un Xuva kō dí, ñivi tū'un é vā'á kue'en. Kuān koo kue'nu nto da nté nāni'i kué'en nto ntuví va'á iña nto. ³ Tsi é ĩni ntó ve e dōo va'á Xuva kō.

Cristú ne, vata kaa xuu é kāntító kaa ña

⁴ Ki'xi etsin nto Cristu vé, ñivi ñā é vata kaa xuu é kāntító kaa ña. É nakuítá ña'a san xuú san, ntá tsi Xuva kō né, ñivi xūu é nakaxnúu ña, e ña te nté kaa nuu á'vi i kuenta iña ña. ⁵ Ñivi ntō né, vata ntáa xuu é kāntító ntáa nto ñi. Kué'e ntō é víi Xuva ko ñi ntō vata koo é kūvi nima ntó vi'i ña. Ta'xi ña é víi ntó dutu ñá ñi, vata koo é kue'é nto ña doméni ntuvi iña nto vata o ntío ña. Ki'i ña doméni nto, tsí ntuvá'a nto ñi ña kuēnta iña Jesúcristu. ⁶ Tsí uve na'a kaka'an tú'un Xuva kō:

Uun kaa xuu e xtúvi ú ñuú Siuún ne,

uun xuu é nakaxnúu u é kodo nūu,

uun xuu e dōo nuu á'vi i.

Xoo é kākuinti'xe i ne,

ñá kuntā'xa iní ña kuenta iña i,

ka'an. ⁷ Dukuān né, ntō'o e ntákuinti'xe ntó ña ne,

ñá tē nté kaa va'á ña, kuiní nto. Ntá tsi ña'a, ña

é ña ntákuinti'xe i ña ne, nto'o ña vatā ó uve na'a kaka'an tú'un Xuva kō:

Xūu é nākuíta ña ntáde vá'a vi'i san ne,

ñivi kúvi xuu ódo nūu éti vi'i san,

ka'an. ⁸ Kaka'an xtúku tú'un Xuva kō:

Naki'í ña'a san xuú san ne,

ntava ntodó ña,

ka'an. Tsí ntava ntodó ña tē ña kuintí'xe ña tú'un Xuva kō. Tsí kuan ō de kú'vē ña é kōo.

⁹ Ntá tsi ðivi ntō ne, ña'a é nakaxnúu Xuva ko kúvi nto. Dutu iñá rei kúvi nto ne, uun tatá ña'a é ntūntoo nima i kúvi nto, tsi ntáduku ntée nto Xuva kō. Kuān ó ni ntō vata koo é kā'an nto tsi dóo vá'ā o dé Xuva kō tsi e nátavā ñá nto mí'í e dóo neé san ne, da tsóo ña nto mí'í e dóo vá'a kaxi'í nuu mí tuví ña. ¹⁰ Di'na ne, ñá tē nee ñá'a nto, ntá tsi vevii ne, ña'a Xuva ko ntō. Di'na ne, xoxó ña'a é kantunta'ví ini ña nto, ntá tsi vevii ne, kantunta'ví ini Xuva ko ntō.

Kada tsiñu nto iña Xuva ko

¹¹ Ení ko e dóo ntio kó nto, vata ntáa ña tuku ñuu ntáa nto, é vata te vē'xí taan xnto ñuxiví sa. Dukuān ne, kaikán u nto tē ña vii nto é kīni kaa é ntio kúñu ntō é kanāa ntée nima nto. ¹² Vá'ā koo vii nto dá ntoo nto mé'ñū ña'a, ña e ñá ini Xúva kō. Dukuān né, kuān te ntáka'an kīni ña iña nto vevii tsí ña te vá'ā ó de nto ne, ntá tsi kiní ña tsi ntáde nti'xe nto é vā'a. Kidáā né, te vē'xí Xuva kō é vēxkada kú'vē ñá ne, ká'an ñā tsi dóo ka'nu Xuva kō.

¹³ Kuenta iña Tó'o ko Jesūcristú ne, kuiko ñu'u nto ūn ntíí ntíí ña uve da neé ka tsiñu, kuān té ña tsiñu na'nu i, tsí ðivi ñā é odo nūu ña, ¹⁴ o kuān té ña tsiñu i san é kataxnūu ña. Tsí ðivi tsiñu ña é kué'é ña na ntō'o ña ntáde é kīni kaa sán ne, ō é kā'an ña e dóo vá'ā ó de ña ntáde ntaá san. ¹⁵ Ntio Xuva kō é kuān koo vii nto vata koo é ña kuvi ka'an ntée ña tuntú san nto, ña é dotō tsi ntáka'an.

¹⁶ Kuān té xoxó ka taxnuu i nto nté koo vii nto, ntá tsi ña ku dotō tsí vii nto é kīni kaa, tsí vii nto é vā'á vata tsí ó de ña ntáde tsiñu iña Xuva ko. ¹⁷ Kuiko ñu'u nto ūn ntíí ntíí ña'a san. Kuinima nto un ntíí ntíí ta'an nto, ña ntákuinti'xe i san. Kuiko

ñu'u kuē'en ntó Xuva kō. Kuiko ñu'u ntō ñá odo nūú san.

Koto nto nté o ntó'o Cristu

¹⁸ Nto'lo e ntáde tsiñu nto ne, kada ntaa nto e ntáka'an tó'lo ntō. Kuān te vá'a ña'a ña ne, ntántunta'ví ini ña nto, kuān te dóo diin ñá ne, ntá tsi kuiko ñu'u nto ña. ¹⁹ Tsí kaka'an Xúva kō tsi vá'ā ó te kutíi o é nto'lo ko kuēnta iña nuu i é ña te kuétsi ko, tē ntáde ntaa o e ntío ña. ²⁰ Te nī'i nto é nto'lo nto te vii nto é kīni kaa ne, ¿va dóo ntu nuu á'vi nto e kūtíi nto é ntō'lo nto iña kuétsi nto san? Ntá tsi te kūtíi nto nto'lo nto kuenta iña nuu i é vā'a é edé nto ne, tsíkān é nuu á'vi i, kuiní Xuva kō. ²¹ Dīvi tsi tsiñu kána Xuva ko ntō é vii nto. Ini nto nté o ntó'lo Cristu kuenta iña nto. Dukuān ne, nāñē'e ñá nto nté koo vii nto vatā o dé ña. Kuān tsi koo vii nto dī. ²² Dīvi ña ne, nté uun ito ña ni ide ña é kīni kaa; nté uun ito ña ni eni ntá'ví ña ña'a. ²³ Dā ka'an kīni ña'a san ni ñá ne, ñá ni nantiko koō ña nté uun é kīni kaa. Dā ntó'lo ña ne, ñá ni kā'an ñá te ntanáa ña. Ntá tsi ntáda ña kuenta ntá'a Xuva kō, ña e dóo ini é xntékú kū've va'a. ²⁴ Mii ñā ído ña kuétsi kō kúñu ñā dá xi'i ña ntíkā krusi kan vata koo é ña vii ka o é kīni kaa, tsí vii o da miī é vā'a. Dīvi ñā ni'i kui'í ña vata koo é ntuvá'a nto. ²⁵ Tsí dī'na ne, ntaíka xaa nto vata ntáa le'ntu, ntá tsi e ntíko koō nto mí tuví paxtu ntó, ña kanada'ān nima nto.

3

Nté koo vii ña e éni vi'i

¹ Dukuān dī, ñadī'í, kuiko ñu'u ntō xii nto, vata koo te ió ña é ña ntákuinti'xe i tú'un Xuva kō ne, nakaku ña, kuān te nté uun tú'ūn ña ni ka'an ntó ni ñā, tsi dóo vá'ā o ntáde nto utén uten. ² Tsí ini ña tsi dóo vá'ā ó de ñadi'ī ñá, tsi dóo koñu'u ña. ³ Ña

te e ntántukutu ntō né, ntē ña te dóo vá'ā o ntánekin nto díki nto, ntē ña te kiti e kúvi kaá kuaan kañú'u nto, ntē ña te dú'nu e dóo va'á kue'en. ⁴ Tsi é nuu xū'ú nima ntó kán, e dóo vita ini nto, e dóo ñikādín nima nto. Tsíkán e dií ka nuu á'vi i nuu Xuva ko, tsí diví é ña te kánativi kue'en. ⁵ Tsi kuan o dé ñadĩ'i va'á san kídaā dí, ña ntákuinti'xe i Xuva kō. Edé ntaa ña e ntáka'an xii ña, ⁶ vata o dé ntaa Sárā san é kākā'an Ábraan. Kaka'an ñá tsi tó'o ña ñā. Divi ntō ne, í'xá ña nto te vii nto é vā'á ne, nté uun nuu i ña te ntaú'vi nto.

⁷ Divi ntō dí, ñatīi, kuenta vii nto ñadĩ'i nto, tsí ña túvi ntíi ña vatā ó iō ntíi nto. Kuiko ñu'u nto ñā, tsí dadīi tsi ni'i nto ntuví va'á iña nto ni ña nta'a Xúva kō. Kuān koo vii nto vata koo é ña te neé kadī nuu i tē ntáka'an ntā'ví nto.

Ña e ntánto'o i e ntáde é vā'a

⁸ Uun ká xtuku nuu i ká'ān ú ni ntō. Kuédadīi tsi nima ntó, un ntíi ntīi nto. Na káxnúu nto ta'an nto nee iña e ntánto'o ña. Na ntuntā'ví ini nto ta'an nto. Kuinima ntó ña. Ná vii ka'nu nto ni ñā. ⁹ Tē ntáde ña'a san é kini kaa ni ntō ne, ña nantíko koō nto é kīni kaa sán dí. Tē ka'an kīni ña'a san ni ntó ne, ñá ku ká'an kīni nto ni ñā, tsí vá'a koo ka'an ntó ni ñā. Tsi kána Xuva ko kō vata koo é ta'xi ña kō é vā'a.

¹⁰ Tsi uve na'a kaká'an tú'un Xuva kō:

Tsí xoo ñá'a é ntio ña e dóo vá'a koo kuita ntí'xin ntuvi iña ñá ne,

kuenta na ví ña é ña ká'an ña é kīni kaa,
é ña kaní nta'ví ña ta'an ña.

¹¹ Na xtuvī mii ña é vii ña é kīni kaa ne,
na vii ña é vā'a.

Na nantukū ña nté koo kuntoo vá'a ña ni tā'an ña.

¹² Tsi kainí Xuva ko xōo é vā'á ña'a ne,
katekú ña te kākā'an ntā'ví ña ni ñā,
ntá tsi ña ncho kini ña xoo é kīni ntáa i,

ka'an tú'un Xuva kō.

¹³ ¿Xoó ntu kuvi vii i ni ntō é kīni kaa te dí mii tsi nuu ī é vā'a ntáde nto? ¹⁴ Ntá tsi te nto'o ntō kuān te ntáde nto é vā'á ne, kuntōo dīnī nto. Nā ku dā vā'a nto tē xoó ña'a nau'vi ñá nto. Ntē ña kutsú'un nto kuenta iña ña. ¹⁵ Tsi kini vā'a ntó nima nto tsi Cristú ne, dií ka ka'nu ña. Dīvi ñā e Tó'o kō. Koo tú've nto nté koo ka'an ntó ni da xōó ka ña'a te tsíxe'e ña ntō nté kui kuínti'xe nto. Ntá tsi ña vií ka'nu nto. Kuiko ñu'u nto ñā. ¹⁶ Vā'ā koo vií nto vata koo é dīnī kunuū nima nto. Kidāā né, tē ka'an kīni ña'a san iña nto da ntáde nto é vā'a e ntákuinti'xe nto Cristú ne, dīvi ñā ne, kuka'an nuu ña.

¹⁷ Tsi dií ka vā'ā ó te nto'o kō da ntáde ō é vā'á san naa i é nto'o kō da ntáde ō é kīni kaa sán, te kuan kōo é ntio Xuva kō. ¹⁸ Tsi mii tsi Cristu ntó'o ña dá xi'i ña é uun ito tsi kuenta iña kuétsi kō. Dīvi ñā é ña tuvi kuétsi ñā ne, xí'i ña kuēnta iña ko xo'o é iō kuétsi kō, vata koo é kī'in ni'i ña ko nuu Xuva ko. Xí'i kúñu ñā, ntá tsi nima ñá ne, ntōto xtuku. ¹⁹ Dukuān o ñé'e ñā, ixka'an ntódo ña mí'i ñu'u kutū nima ña é xi'í san. ²⁰ Ña tsikán ne, ña intóo kídaā é ña ni kuínti'xe i, kuān te kutíi Xuva kō intétu ña ña ñi dukuān de vā'a Noeé san tun ntōó ka'nu san. Úna ñā'a kudii nakáku ña é ñu'u vā'a ña iní tun ntōo san dá nakuntéku teni nú ntute kán. ²¹ Kuan kōo vevíi ne, ntántada náa o iña ña é nakaku mé'ñu ntute san, tsi nakáku o te ítsi ntute ō. Nā tē tsi kúñu dentu kō é ntuntoo, tsi nima ko é ntūvā'a ni Xuva kō kuenta iña Jesúcristu, dīvi ñā e ntóto xtuku ña dá xi'i ña. ²² Kúntāa ña e dukún kan vē ne, tuví ña diñi kua'a Xuva kō. Doo ntaíko ñu'ū ánje san ñá, ni ūn ntí ntí ña odo núu san.

Kada tsiñu o vatā o tá'xi Xuva kō é kūvi vii o

¹ Tsi dúkuān né, vata ō ntó'o Cristu ni kúñu ñā ne, kuan koo kadā kuení nto tsi kuví vií nto é ntō'o nto di. Tsi xoo ñá'a e ntó'o ñā nī kúñu ñā ne, é xtuvī mii ñā é vii ñā é kīni kaa, ² vata koo e dá ntōo ká ñā ñuxiví san ne, ñá víi ka ñā é ntio kúñu ñā, tsi vii ñā é ntio Xuva kō. ³ E xée ntuví é tsoo mii ntō é edé nto vatā o dé ñā'a sán di, ñā é ñā ntákuinti'xe i Xuva kō. Tsi é un ntí'í é kīni ntáa ntáde ñā. Ncho kada xení ñā ni ñād'í. Ntáde kí'vi ñā. Da mii kué'en tsi dodīni ntáde ñā. Dōo ntáxi'í ñā. Ntaínúu ini ñā tuku xuva ñā e ñā ntío kue'en Xúva kō. ⁴ Dā kúdu'va ñā e ñā ncho kuve ta'an ká nto ñā e ntáde ñā nuu i é kīni ntáa ne, ntáka'an kíni ñā iña nto ve. ⁵ Ntá tsi nakué'e ñā kuenta ntá'a Xuva kō nté o dé ñā. Tsi Xuva ko xntékú ku'vē ñā iña ñā ntantíto nī ñā é xi'í san. ⁶ Dukuān ne, ká'an ntōdó ñā tú'ūn va'á san nī ñā é xi'í san di vata koo é kuntíto ñā kuenta iña Xuva kó, kuān te ni'í kúñu ñā é ntō'o i.

⁷ Dóko sā ntí'í un ntí'í ntí'í nuu í ve. Dukuān né, kadā kuení va'a nto. Diin diin tsi kuntōo nto vata koo é kūvi ka'an ntá'ví nto kaní nima nto. ⁸ Uun nuu i e dií ka va'a é vii ntó ne: dōo kuinima ntó ta'an nto utén uten. Tsi te kuínima kó ta'an kō ne, kada ka'nu iní o ni ñā, kuān te dōo iō kuetsí ñā. ⁹ Nā ku dē víni nto ví'í nto é kutūví ta'an nto. ¹⁰ Tsi e tá'xi Xuva ko tsiñu é vā'a é vii o é un é un ō. Na vii ó tsiñu é vā'á san é vā'á ta'an ko vatā ó de ñā ñu'u nta'a i tsiñu na'nu é xe'é Xuva kō. ¹¹ Xoó ñā'a é kāka'an ñā ne, na kā'an ñā vata ō xe'é Xuva kō é kā'an ñā. Xoó ñā'a é kaxntii ñā tā'an ñā ne, na kōo ntii ñā vii ñā vata ō xe'é Xuva ko ntii ñā é vii ñā, vata koo é da nēé ka é vii ó ne, ká'an ñā'a sán tsi dōo va'á Xuva ko ni i'xā ñā Jesucristu. Ká'an ō tsi dōo va'á ñā. Na kadā kú'vé ka ñā é un ntí'í ntii dañu ntūvi. Kuan tsi koo na kōo.

É nto'o kō é kuntikin ó Cristu

¹² Ení ko e dóo ntio kó nto, ñá ku kadā kuení nto te ñū'u nto mé'ñū ñu'u é kaī'xí san é kaīto nteé Xuva ko ntō. ¹³ Ñá ku da kudū'va nto, tsi díní koo kuntōo nto e ntánto'o nto vata ō ntó'o Cristu, vata koo é díí díí ka diní nto ntuvi tē naínu xtúku ña, tē ntii díto ña é kāxi'í nuu ka'nu ña. ¹⁴ Te kā'an ntée ña'a san nto tsi ntákuinti'xe nto Cristu ne, dóo diní nto tsi Espíritu Xuva kō e dóo va'a vexkútuvī ñá ni ntō. ¹⁵ Ío ña'a ne, ntánto'o ña e é'ni ña ña'a ne, ō du'u ña ne, o dé ña é kīni kaa ne, ō kini nuu ña iña ña'á san. Nta tsi ña kuān koo víi nto. ¹⁶ Ntá tsi te xoó ña'a ntánto'o ña e ntántikin ñá Cristu ne, ñá kūka'an nuu ña. Tsí nakué'e ña sintiá'vi nta'a Xuva kō é xe'é ña é kuān koo nto'o ña kuenta iña ña.

¹⁷ E xée ntūvi é xntékú kū've Xuva kō. Te dī'na xo'o xntekú ku've ñá iña kó ne, ¿nté koo víi ña ni ñā'a san, ña é ña ntákuinti'xe i tú'un Xuva kō? ¹⁸ Tē dá kuētsi ntánakáku ña é vā'á san ne, ¿nté koo kuvi nī ña ntáde é kīni kaá san, nī ña é iō kuetsí i san? ¹⁹ Dukuān né, divi ñā e ntánto'o ña tsí kuān o ntío Xuva kō é víi ñá ne, ñá kōó da'na é víi ña é vā'a. Na ntāda ña kuentá nima ñá nta'a Xúva kō, ña é ede vá'a ña, ña e nté uun ito ña tsoo míi ña ñā.

5

Itsi iña ña ntákuinti'xe i

¹ Ví'a ve ne, ncho kué'e ú itsi iña ñáta, ña odo nūú iña nto. Xu'ú ne, ñatā ú dī ne, iní u nté ō ntó'o Cristu ne, dadī tsi ni'í ko ni ntō é vā'a é tā'xi ña ko te naínu xtúku ña. ² Kuenta víi nto ña e tá'xi Xuva kō nto vatā ó kade paxtú san kuenta a le'ntu ña. Ñá te kué'e kuetsi ña nto é víi nto, tsi dodíni nto víi nto. Ñá tē é diu'un ntío nto, tsí kanī nima ntó víi nto. ³ Ñá ku víi nto tó'o ña'a, ña e ntáde nto kuenta, tsí

nañē'e ntó ña nté koo vií ña vatā o ntáde nto. ⁴ Tē ntii díto paxtu ñá odo nūú san ne, ní'i ntō doméni e dóo va'a é ña kantí'i.

⁵ Dukuān dí, na kuetsi, kuiko ñu'u nto ñata, ña odo nūú san. Un ntii ntii ntó ne, ñá vií ka'nu nto ni tā'an nto. Tsí uve na'a tú'un Xuva ko kākā'an: Ñá kaxntii Xuva ko ñā'a, ña e ntáde na'nu iña mii i, tsí kaxntii ña ña ntā'vi, ña é ña ntáde na'nu san, ka'an. ⁶ Ntā'vi tsí koo vií nto nuu Xuva ko, ña e dóo ntii inī í, vata koo é kada ka'nu ña nto tē xee ntúvi. ⁷ Da nēé ka nuu i e ntádē kuení nto ne, ntada nto kuenta ntá'a ña, tsí ñi ña kade ña nto kuenta.

⁸ Ntítō vií nto kuntōo nto. Koto nto tsi é ña vá'ā sán ne, kanāa ntée nto vatā ó de ñaña, kiti kakachu'u ntáa é kaika ti kanantuku ti nee iña é kā'xi ti. ⁹ Ñá vií nto é ntio i, tsí kuinti'xe vá'a nto Xuva kō. Tsí ini nto tsí dadii tsi ntánto'o ta'an nto dá kanii ñuxiví sa. ¹⁰ Ntá tsi tē kúvi é ntō'o kudii nto ne, Xuva ko tā'xi ña é kuinti'xe kue'en nto. Ta'xi ña é kūtíi nto é un ntí'i. Ta'xi ña é kūtu've vá'a nto nee iña e ntákuinti'xe nto, tsí ñi ña e dóo va'á ña. E kána ña kō é nī'i ko é vā'á nta'a Cristú ne, ntavá'a ña nto. ¹¹ Ká'an o tsi dóo va'á ña, tsí kvi vií ña é un ntí'i ntii dañu ntúvi. Kuan tsi koo na kōo.

¹² Nta'a ení ko Silvanu, ña e dóo de ntaa, kuíni ko, de vá'a ú tutú sa'a vata koo é tā'xi kudíi u nto itsi, vata koo é kā'án u ni ntō tsi sá'ā é nuu é ntaā i iña é vā'ā e tá'xi Xuva ko kō. Itsi sá'á tsi kuntikin nto.

¹³ Ña ntákuinti'xe i, ñá ntoo ñuú Babiloniá ne, taxnúu ña ntiusi nto. Dadii tsi nakaxnúu Xuva ko ña ni ntō. I'xá ko Marcú ne, taxnúu na ntiusi ntó di. ¹⁴ Nanume nto ta'an nto é kuinima tá'an nto é nuu é ntaā i.

Vá'a vá'a tsi koo kuntōo nto, un ntí'i kue'en dú'va nto, tsi ntáduku ntée nto Cristu.

**Tū'ún xuva kō vatā ó ntáka'an ña ñuú
Coatzospan
New Testament in Mixtec, Coatzospan
(MX:miz:Mixtec, Coatzospan)**

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

Copyright Information

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Coatzospan

© 2003, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022

8f775598-56d9-56fd-966e-15e054d2f275